

8ª Edición
Premio Literario - Nortear
Mocidade Escritora
Norte de Portugal – Galicia

REGULAMENTO

Art.º 1
Obxecto

1. O premio literario Nortear - Novos Escritores Norte de Portugal - Galicia é unha iniciativa conxunta da Dirección Regional de Cultura do Norte (Portugal), da Consellería de Cultura, Educación e Universidade da Xunta de Galicia (España) e da Agrupación Europea de Cooperación Territorial Galicia - Norte de Portugal.
2. O premio ten como obxectivos:
 - a) Promover a aparición de novos escritores;
 - b) Incentivar a produción de obras inéditas no ámbito da ficción;
 - c) Incentivar a creatividade literaria entre os jóvenes escritores residentes na Eurorrexión Galicia - Norte de Portugal;
 - d) Destacar, anualmente, obras literarias orixinais;
 - e) Promover a circulación e distribución de obras literarias máis aló das fronteiras.

Art.º 2
Candidatos

Poden participar no premio Nortear todas as persoas con plena capacidade xurídica, nados e/ou empadroados na Rexión Norte de Portugal ou en Galicia, con idades comprendidas entre os 16 e os 36 anos.

Art.º 3
Modalidade

1. O premio literario versará sobre o xénero de relato curto.
2. Aceptaranse obras orixinais e inéditas, escritas en lingua portuguesa, segundo o novo acordo ortográfico, e en lingua galega, segundo a normativa ortográfica vixente publicada pola Real Academia Galega.

Art.º 4
Premio

1. O premio terá unha dotación económica de tres mil euros (1.500€ por parte da Secretaría Xeral de Cultura e 1.500€ por parte da Dirección Regional de Cultura do Norte) para o/a gañador/a. Esta cantidade estará suxeita á retención á conta dos impostos que correspondan (IRPF ou outros).
2. Esas dúas entidades comprométense ademais a asumir o custo da publicación e/ou da edición ata 500 exemplares da obra premiada, en edición bilingüe, portugués e galego.

3. Os promotores ademais realizarán accións de divulgación das obras premiadas, mediante actuacións de lanzamento programadas en equipamentos culturais de Galicia e do Norte de Portugal.

Art.º 5

Presentación das obras e prazo de entrega

1. Candidaturas Online ao Premio Literario Nortear. As candidaturas a presentar polos candidatos deberán ter en conta a seguinte información:
 - a) Anexo1 (traballo a concurso)
 - b) Anexo2 (copia do DNI/pasaporte)
 - c) Anexo3 (Declaración orixinalidade)
 - d) Anexo4 (Autorización para publicación)
 - e) Anexo5 (Declaración de Residencia)
2. Todos os campos do formulario e os anexos especificados con anterioridade son obrigatorios e son requisito indispensable para que a páxina Web permita a presentación das candidaturas. En caso de que algún dos campos non sexa cuberto, a Web notificará ao usuario cunha mensaxe.
3. Serán admitidas a concurso todas as obras presentadas ata as 23:59 (hora española) do día 30 de xuño de 2022, na Plataforma Nortear – nortear.gnpaect.eu
4. Cada candidato non poderá presentar máis de dúas obras ao concurso.

Artº 6

Características dos Anexos

Os anexos a presentar deben seguir as seguintes orientacións:

1. Obra
 - a. Ser presentado en texto, en formato A4, paxinado e procesado a espazo 1,5, letra tipo Times New Roman, tamaño 12;
 - b. Ter un mínimo de 5.000 palabras e un máximo de 8.000.
 - c. Conter, na portada, o título da obra e o pseudónimo do seu autor.
2. DNI/pasaporte
 - a. En formato pdf. ou jpeg.
3. Declaración de orixinalidade:
 - a. Declaración asinada polo participante mencionando que a obra presentada a concurso é orixinal e inédita, onde conste que é o/a titular de tódolos dereitos de explotación da obra a concurso, sen excepción, así coma de que eses dereitos non están cedidos, baixo ningunha condición e onde asegure que non coñece, na data de presentación da obra a concurso, ningunha acción ou reclamación de terceiros que poña en cuestión a autoría da mesma. A non inclusión de dita declaración será motivo para que se exclúa automaticamente, considerándose non emitida e non presentada.

4. Autorización para publicación
 - a. Autorización asinada para a publicación da obra
5. Declaración de Residencia
 - a. Envío de declaración de domicilio o residencia do participante no Norte de Portugal ou Galicia
6. As obras presentadas que non reúnan os requisitos anteriores non serán admitidas a concurso.

Art.º 7

Composición do xurado

1. O xurado que se designe estará constituído por cinco membros, seleccionados entre representantes das entidades promotoras e personalidades do mundo literario portugués e galego.
2. A decisión do xurado será inapelable.

Art.º 8

Deliberacións do xurado

1. O xurado deliberará con total independencia e con plena liberdade de criterio, por maioría de votos dos seus membros.
2. O xurado outorgaralle o premio á obra que considere de maior mérito literario. A devandita elección debe estar ben fundamentada.
3. Haberá unha única obra premiada.
4. O xurado pode considerar o premio Nortear deserto.

Art.º 9

Dereitos de explotación

1. A contía do premio inclúe a adquisición dos dereitos de explotación, difusión e comunicación pública da primeira edición en galego e portugués ata 500 exemplares do texto gañador. Estes dereitos corresponderanlle ás entidades convocadoras.
2. O relato premiado será publicado pola/s editorial/editoriais que decidan as entidades convocadoras.
3. As entidades convocadoras poderán publicar a obra premiada (ou outra obra a concurso) noutros formatos, tales como nas súas páxinas Web, e inclusive utilízala en actividades propias de divulgación.
4. En todas as edicións que se realicen farase constar o nome de premio Nortear.

Art.º 10

Entrega do premio

1. A entrega do premio, que terá lugar, sempre que sexa posible, nun acto público, realizarase alternativamente en Galicia e na Rexión Norte de Portugal.
2. De non ser por razóns debidamente xustificadas, a persoa gañadora deberá estar presente no acto de entrega do premio.

Art.º 11

Protección de datos persoais

1. Os datos achegados polos participantes no premio incorporaranse a un ficheiro automatizado titularidade das Administracións convocadoras, cuxo tratamento estará suxeito á Lei orgánica 15/1999, do 13 de decembro, de protección de datos de carácter persoal (España), e á súa normativa de desenvolvemento, coa finalidade de utilizarse para a realización de cantas xestións sexan necesarias para o desenvolvemento do premio, incluída a selección do gañador, a publicación da listaxe do gañador, a posterior entrega do premio a este e para divulgación de novas convocatorias.
1. Os participantes terán o dereito de acceder a este ficheiro e rectificar, cancelar e/ou opoñerse ao tratamento dos seus datos. Neste caso, deberán comunicalo expresamente, para o que enviarán unha comunicación escrita ao devandito enderezo.

Art.º 12

Difusión

Os/as participantes autorizan expresamente e con carácter indefinido a que as entidades convocadoras poidan facer difusión, en calquera medio de comunicación interno e/ou externo que estimen oportuno, dos seus datos persoais, consistentes no seu nome e apelidos, como gañador/a do premio, coa exclusiva finalidade de asegurar a divulgación por calquera medio e coñecemento da realización e ditame do premio, sen que iso xere dereito de pagamento e/ou indemnización ningunha en prol dos/as participantes.

Art.º 13

Disposicións finais

1. A presentación de obras ao premio implica a aceptación destas bases do regulamento.
2. Nos aspectos non incluídos nestas bases ou naqueles que puidesen ser obxecto de interpretación, a decisión corresponderalles ás entidades organizadoras, as cales, unha vez consultados os membros do xurado, emitirán o ditame, que será inapelable.